

SCRIPT OF EVENING GOJRI NEWS BULLETIN 7FEB 2026 1700HRS

اوننگ گوجری نیوز بولٹن 7 فروری 2026

یوہ آکاشوانی جموں ہے نصرت تے غلام سرور تیں خبر سُنو۔

HEADLINES

- ۱۔ مرکزی وزیر داخلہ امت شاہ نے اج جموں کشمیر مانہ ترقیاتی منصوبہ کی پیش رفت غو جائیزو لین بارے ایک اعلیٰ سطحی میٹنگ غی صدارت کی۔
- ۲۔ وزیر اعلیٰ عمر عبداللہ نے اج کہیو کہ حکومت غو فی الحال کوئی ارادو نی ہے کہ نوا انتظامی یونٹس بنایا جیں۔ حکومت موجودہ انتظامی یونٹس نانہ بہتر بنان ور توجو دے رئی ہے۔
- ۳۔ حکومت نے اج کہیو زمین غا استعمال مانہ تبدیلی غا قوانین مانہ کسی قسم غی نرمی، دین غی فی الحال کوئی تجویز زیر غور نی ہے۔
- ۴۔ اسمبلی مانہ این سی تے بی جے پی غے بشکار جموں کشمیر غی خصوصی حیثیت ور ہنگامو ہوو تے حزب اختلاف غا لیڈر سنیل شرما نے کہیو جے بھارت غا آئین مانہ ایسو کوئی لفظ موجود ہی نی ہے۔
- ۵۔ فوج غا چیف جنرل اوپیندر دیویدی نے اج ضلع پونچھ غو دورو کرغے فوجی حکام تے سابق فوجیاں نال بات کی۔

HM DEV MEETING

مرکزی وزیر داخلہ امت شاہ نے اج جموں کشمیر مانہ ترقیاتی منصوبہ کی پیش رفت غو جائیزو لین بارے ایک اعلیٰ سطحی میٹنگ غی صدارت کی جس مانہ بنیادی ڈھانچہ تے کلیدی کماں تے مرکزی زیر انتظام اسکیمیں غا نفاذ بارے توجو مرکوز کی گئی وزیر داخلہ نے منصوبہ ور عمل در آمد غو جائیزو لیو تے ترقیاتی کماں نانہ ویلے سر مکمل غی ہدایت جاری کی اس میٹنگ مانہ لیفٹیننٹ گورنر منوج سنہا، وزیر اعلیٰ عمر عبداللہ، مرکزی داخلہ سیکرٹری گووند موہن، جموں کشمیر غا چیف سیکرٹری اتل ٹلو تے ڈی جی پی نلین پرہات سمیت دیگر نے شرکت کی، بعد مانہ وزیر داخلہ چھتیس گڑھ غا رائے پُر در روانہ ہوا۔

CM ADM UNITS

وزیر اعلیٰ عمر عبداللہ نے اج کہیو کہ حکومت غو فی الحال کوئی ارادو نی ہے کہ نوا انتظامی یونٹس بنایا جیں۔ حکومت غی ترجیح ہے کہ جہڑا انتظامی یونٹس پہلاں تیں بنایا جا چکا ہیں انہاں نانہ پوری طرح سنگ فعال کیو جاسکے۔ وزیر اعلیٰ نے یاہ گل قانون ساز اسمبلی مانہ ایک سوال گا جواب غے دوران کہی، جد خانیار غا ایم۔ ایل۔ اے سلمان علی ساگر تے دیگر اراکین نے عیدگاہ تے سرینگر غی شمالی تحصیل غا گجھ علاقہ نانہ، الگ کرغے نوی تحصیل بنان غو مطالبو کیو۔ انہاں نے ایوان نانہ دسیو کہ جموں کشمیر مانہ پہلاں تیں بنایا گیا انتظامی یونٹس نانہ مضبوط تے مکمل طور ور کم کرن غے قابل بنانو ہی حکومت غی ترجیح ہے۔ انہاں نے اس طرح کہیو۔۔۔۔۔

RANA LAND USE

حکومت نے اج واضع کیو کہ محکمہ مال، مانہ چینج آف لینڈ یوز یعنی زمین غا استعمال مانہ تبدیلی غا قوانین مانہ کسی قسم غی نرمی، دین غی فی الحال کوئی تجویز زیر غور نی ہے۔ یاہ گل، وزیر جاوید احمد رانا نے قانون ساز اسمبلی مانہ ایک سوال غا جواب مانہ کہی، جہڑو ایم۔ ایل۔ اے سرجیت سنگھ صلاتھیا نے پوچھیو تھو۔ وزیر نے وزیر اعلیٰ عمر عبداللہ غی طرفوں جواب دیتا وں کہیو کہ حکومت زمین گا استعمال غا قوانین مانہ کوئی نرمی دین غو ارادو نی رکھتی۔ انہاں نے یوہ وی صاف کیو کہ دیہی علاقہ نانہ وی ان قوانین تیں الگ رکھن غی کائے تجویز نی ہے۔ انہاں نے مزید اس طرح کہیو۔۔۔۔۔

MP BUDGET AWARENESS

مرکزی بجٹ تیں متعلق آگاہی مہم غے تحت رُکن پارلیمنٹ جو گل کشور، اج ادھمپور پُجیا۔ اُنہاں نے کہیو کہ یوہ بجٹ وکست بھارت غی بُنیاد ہے تے اس غو مقصد بھارت نانہہ ایک ترقی یافتہ ملک بنانو ہے نال ہی عام لوکاں غی بُنیادی ضروریات غو وی خیال رکھنو ہے۔ اُنہاں نے کہیو کہ وزیر خزانہ نرملا سیتا رمن غی جانب تیں پیش کیو گیو یوہ بجٹ بھارت نانہہ آتم نربہر بنان غا واضع ارادہ نانہہ ظاہر کرے، جُگل کشور نے کہیو کہ مرکزی حکومت نے زراعت، ٹیکس مانہہ رعایت سمیت ہر شعبہ مانہہ عام لوکاں نانہہ فائدو پُجان واسطے تمام پہلوں غو احاطو کیو ہے۔ تقریب سنگ خطاب کرتا واں اُنہاں نے اس طرح کہیو۔۔۔۔

ODOP FEST BSM

جموں کشمیر ٹریڈ پروموشن آرگنائزیشن یعنی جے کے ٹی پی او 10 فروری 2026 نانہہ کنونشن مرکز جموں مانہہ اوڈی او پی فیسٹ بی۔ایس۔ایم غو انعقاد کرن بارے تیار ہے یوہ میلو ایک ضلع ایک پروجیکٹ تے ضلعی بطور برآمدات بب اقدامات غے تحت کیو جارہیو ہے اس میل غو مقصد پورا جموں کشمیر تیں ضلع سطح ور مخصوص مصنوعات کی نمائش کرنو ہے اس تیں علاوہ ضلعی خزانہ نانہہ عالمی تے قومی منڈیاں نال جوڑ غے مضبوط رابطو پیدا کرنو ہے اس میل مانہہ بھارت بھر تیں 25 تیں متا خریداراں غی شرکت غے نال خریدار تے فروخت کرن آلا غا آپسے تعلقات قائم وے غو تے کاریگراں کاروباری افراد نانہہ ممکنہ خریدار غے نال مشغول ہون بارے براہ رسات پلیٹ فارم وی دستیاب وے غو۔

NC BJP DUEL

قانون ساز اسمبلی مانہہ اج نیشنل کانفرنس تے بھارتیہ جینا پارٹی غے بشکار جموں کشمیر غی خصوصی حیثیت ور زبردست ہنگامو ہوو۔ یوہ ہنگامو اُس وقت شروع ہوو جد نیشنل کانفرنس غے ایم۔ایل۔ایہ جاوید بیگ خصوصی حیثیت غا معاملہ ور زور دے غے بول رہیا تھا۔ اسے دوران حزب اختلاف غا لیڈر سنیل شرما نے کہیو کہ جموں کشمیر غی کوئی خصوصی حیثیت نی ہے۔ اُن غا اس بیان ور نیشنل کانفرنس غا اراکین نے دفعہ 370 غا حق مانہہ نعارہ لایا، تے بی۔جے۔پی غا اراکین نے وی نعارے بازی شروع کرلی۔ تے گجھ دیر توڑی ایوان مانہہ شور شرابو تے ہنگامو جاری رہیو۔

MLAs PUBLIC ISSUES

قانون ساز اسمبلی مانہہ اج کئی اراکین اسمبلی نے عوامی مسائل چایا تے مختلف حلقاں غا لوکاں نانہہ درپیش مشکلات غی نشاندہی کی اراکین نے حکومت تیں مطالبو کی وکہ ان مسائل غا حل واسطے فوری اقدامات کیا جیں۔ گریز تیں ایم۔ایل۔ایہ وزیر احمد خان نے ایوان نانہہ دسیو کہ اُن غا حلقہ مانہہ نہ تیں فلیڈ مانہہ کوئی پٹواری موجود ہے تے نہ ہی پٹواری خانو ہے جس غی وجہ تیں عوام نانہہ شدید مشکلات غو سامنو کرنو پہ رہیو ہے۔ شری ماتا ویشنو دیوی حلقہ تیں ایم۔ایل۔ایہ بلدیوراج شرما نے خچر تے گوڑا مزدوراں غے نال نال پٹھو آلاں واسطے مکمل باز آبادکاری پیکج غو مطالبو کیو۔ بیرواہ تیں ایم۔ایل۔ایہ ڈاکٹر شفیع احمد وانی تے کرناہ تیں ایم۔ایل۔ایہ جاوید مرچل نے وی اپنا اپنا حلقاں تیں متعلق مسائل ایوان غے سامنے رکھیا۔

ARMY CHIEF POONCH

فوج غا چیف جنرل اوپیندر دیویدی نے اج ضلع پونچھ غو دورو کرغے فوجی حُکام تے سابق فوجیاں نال گل بات کی تے کپٹن پرویز احمد غا گُنباں نال وی ملاقی ہویا اس سلسلہ مانہہ اُنہاں نے انسداد دہشت گردی غا گرڈ تے اپریشنل تیاریاں غو جائیزو لیو چوکس رہن غی ضرورت تے عوام ور مرکوز نقطہ نظر ور زور دتو تاہم اس طرح اُنہاں نانہہ آرمی کمانڈر نے حفاظتی صورتحال بارے تفصیلی جانکاری دتی تے فوجیاں کی پیشہ وارانہ مہارت غی تعریف وی کی اپنا دورا غے دوران جنرل دیویدی نے فلڈ کمانڈراں، سابق فوجیاں تے مقامی پولیس حُکام غے نال

گل بات کی جس مانہہ حفاظتی فورسز تے سیول حُکام غے بشکار تال میل غی اہمیت نانہہ
اُجاگر کیو۔

FOOD SAFETY RBN

خوراک تحفظ محکمو رام بن معیارات ور سختی سنگ عمل درآمد کر رہیو ہے اس سلسلہ مانہہ
حفاظت نانہہ یقینی بنان بارے خوارک گی پیدا وار ، نکیرہ ، تقسیم فروخت تے درآمد نانہہ اصول
غے مطابق چلا رہیو ہے محکمہ نے گوشت غی دُکاناں گا مالکاں نانہہ کہیو ہے جے وے کچا
گوشت نانہہ دیگر مصنوعات تیں بکھ رکھیں محکمہ نے دُکاناں گا مالکاں نانہہ وی مشورور دتو
ہے جے آلودگی نانہہ روکن واسطے دُکان چنگی طرح ہواددار ہونی چاہیے تانجے آلودگی تیں
بچیو جاسکے اس بارے مزید تفصیلات دیتا واں ضلع رام بن گا خوارک تحفظ آفیسر بلبیر سنگھ
نے اس طرح کہیو۔

WEATHER

محکمہ موسمیات غے مطابق آئندہ دنان مانہہ جموں کشمیر مانہہ موسم زیادہ تر خشک رہن غا
امکان ہیں البتہ اُچا علاقان مانہہ معمولی غی تبدیلی دیکھی جاسکے۔ محکمہ موسمیات غے مطابق
اج اسمان زیادہ تر خشک رہن غی توقع ہے۔ اس غے بعد 9 تے 10 فروری نانہہ گُج اک جگہاں ور
ہلکی بارش تے برف باری غو امکان ہے اس غے بعد 11 تے 12 فروری نانہہ موسم خشک رہن
غی پیش گوئی کی گئی ہے۔
